



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Novum Gratiae Prodigium: Sive Vita Venerabilis Matris, Sororis Joannæ à Jesu Maria Monialis Præcipui D. Claræ Coenobii In Bvrgos**

**Ameyugo, Francisco de**

**Coloniæ Agrippinæ**

Caput IV. Virgo Deipara desponsat eam filio suo dilectissimo, isque ei fidelis ac benevolus est, ut sponsus: erudit eam ut Magister, suaque cruce invitatur ad patiendum.

**urn:nbn:de:hbz:466:1-37120**

semper ab hinc tamen eam amplius  
reverebatur ac amabat: serviebat  
illi ut Filia, observabatque eam ut  
veram Matrem, uti Divus Joannes  
Evangelista observarat eam, postea-  
quam Christus Dominus illam ei in  
Matrem assignavit.

## CAPUT IV.

*Virgo Deipara desponsat eam filio suo  
dilectissimo, isque ei fidelis ac benevo-  
lus est, ut Sponsus: erudit eam  
ut Magister, suamque Cru-  
ce invitat ad patien-  
dum.*

UT primùm vidit Deus, quod A-  
dam filius secundùm gratiam  
suam esset, protinus ei (ut loquitur  
D. Basil. orat. 2. Gen. v. 15.) Paternum  
suum amorem demonstravit: siqui-  
dem ei mox amèntissimum illum Pa-  
radisum, quem manibus suis plan-  
taverat inhabitandum dedit; Non  
minùs, quinimò haud paulò etiam  
majus quid præstitit filiæ suæ Joan-  
næ Intemerata Deipara Virgo MA-  
RIA: Ut primùm namque ei in  
Matrem ordinata est, constituit  
non terrenum quempiam Paradi-  
sum suâ manu factû, eidem donare;  
sed benedictum fructum illum, pu-  
rissimi uteri sui impartiri. Coelestem  
Divinamque hanc gratiam percepit  
parvula Joanna una dierum, dum  
orationi magnâ devotione in Sa-  
crario suo vacaret, apparuit quippe  
ei Augustissima Cælorum Regina,  
cum gloriosissimo Filio suo Ma-  
ternis brachiis insidente.

Puer parvus, ut apparebat, ætate  
quasi annorum quatuordecim vide-  
batur, omni decore ac formâ  
elegantior. Cum utraque Regia  
Majestatem advenerant, ingenti  
splendore ac gloria corusei Sancti  
Patriarchæ Dominicus & Francis-  
cus, sicut & Diva Catharina de  
Senis. Relucebat ab hæc Sanctorum  
præsentia in modum cæli cujusdam  
Sacrarium: Parvula nostra attentè  
spectabat omnia. Aspiciebat mi-  
ram pulchritudinem Matris, ac  
Majestatem ejus Filii. Ut ergò vidit  
Sanctissima Virgo, Joannam ità  
spectaculo abreptam, ait. Quid est  
Filia? quid tibi videtur de parvu-  
lo isto, quem ulnarum mearum  
throno insidentè aspicias? Putasne  
Cælum pulchritudinem similem,  
creatam habere? An non facies ista,  
regno digna est? Putasne ab ortu  
solis, usque ad occasum uspiam,  
tam amabilis vultus reperiendus,  
est? Quid dulcius spectari potest,  
ocellis istis? An non ii ostendunt  
felicitatem ejus qui sese in illis in-  
spicit perinde ac duobus speculis,  
cristallinis? Filia mea, visne eidem  
manum tuam porrigere, ac spon-  
dere, te sponsam ei fore? Respon-  
dit parvula innocenti simplicitate,  
ego proposui Sanctimonialis fieri,  
ac virginitatem meam Domino  
Deo consecrare; Attamen non  
in hoc sita est mea difficultas,  
quandoquidem is mihi significat,  
& ego in anima mea experior,  
quod desponsatio cum infante  
isto, propositum hoc meum im-  
pedi-

*Beatissima  
Virgo cum  
parvulo fi-  
lio ac aliis  
sanctis ei  
apparet &  
eam allo-  
quitur.*

*Quærit an  
in Sponsam  
Filio suo  
cedere ve-  
lit.*

pedire nequeat, imò ego existimo  
 illius amore me castiorem, & at-  
 tactu fore puriorem, & si ejus  
 Sponsa sum, me tantò magis labis  
 expertè virginè fore. Verùm amā-  
 tissima Mater, quàm hic infantu-  
 lus plenus est decore & gratiā!  
 Quàm pulcher, quàm suavis,  
 quàm plenus majestare! Multò is  
 sanè pretio dignus est; & ego nihil  
 habeo; & ipsa valeo nihil. Pulchel-  
 lus hic infans non me vult habere.  
 Imò, respondit Deipara, vult ipse,  
 si tu velis. Quandoquidem sic res  
 habet, bene est, (reponit illa) itaq;  
 Mater, si ille me habere vult, &  
 ego cum habere volo. Vix hæc  
 verba effata est, & extento infantu-  
 lus brachio, manum ei porrexit in  
 signum desponsationis, & Beatissi-  
 ma Virgo MARIA indidit digito  
 ejus, qui cordis seu cordialis dicitur;  
 pretiosissimum annulum, in signum  
 subarrhationis pactique sponsalicii.  
 Post hæc parvulam suavissimè  
 complexa est velut Filii sui Spon-  
 sam, & uterque, tam filius quàm  
 Mater benedictione suâ eam mu-  
 nière; uti & alii Sancti, qui postea-  
 quam ei benedixère, felicitatem il-  
 lam ei sunt gratulati. Inter hæc gra-  
 tiarum Divinarum dona, provida  
 nostra parvula summè se anxiam  
 sentiebat, una ex parte quòd tan-  
 to opere Cœlorum Reginæ obligata  
 esset, alterâ verò, quòd impotentem  
 se gratiæ referendæ videbat. Sanè  
 nobili ac Heroico animo major  
 crux non est, quàm magna in obli-  
 gatione, magna impotentia. Qua-

propter conversa ad Sanctos, in-  
 genti cum sensu animi lachryma-  
 bunda ait: Vos mei Sancti Patres,  
 ac Magistri, amabò dicitè, quid  
 facto opus, ut ego Divinæ huic  
 Virgini condignè servire possim?  
 Jam equidem ea mei Dominium  
 obtinet, animam ego ei corque  
 tradidi, sed quid hoc illi est, cui e-  
 go tantum debeo? Quid porò  
 agendum, quod illi acceptum  
 gratumq; sit? Sancti ad hoc respon-  
 dère. Filia si huic Cœlesti Virgini,  
 complacere vis, ama ardentè,  
 Sanctissimum ejus Filium, quem  
 ipsa tibi in sponsum tradidit; pro-  
 cul jube facessere ludos, aliàsque  
 pueriles nugas; bullas, & crepun-  
 dia. Nam tu sic vivere, sicque  
 actiones instituere debes, ut ad-  
 ulta Virgo. Loco nugarum, de-  
 bent in te resplendere exercitia  
 sapientiæ; Ad omnia paratum  
 habes de cœlo lumen, ne te finas  
 à vanitate mundi seduci. Clari  
 namque ac perspicaces oculi fa-  
 cile vident, nihil in orbe esse nisi  
 imposturam & mendacium, quod  
 alioquin turbidi & caligantes ocu-  
 li ut ipsam veritatem æstimant.  
 Nunc Sponsa Dei esse debes.  
 Quare abhinc velut veram Spon-  
 sam, ejus honori ac gloriæ propa-  
 ganda cum primis intentam te esse  
 oportet.  
 Divinâ hæc instructione ei data,  
 tota apparitio illa videri desit, &  
 exinde parvula Joanna nullo majore  
 arsit desiderio, quàm omni tem-  
 pore in præsentia Sponsi sui versari;

*Pulchra de-  
dem à san-  
ctis præce-  
ptoribus  
instructio  
data.*

R III  
36

*Christus  
eam sibi de-  
sponsat.  
Mater a-  
nulo sub-  
arrhat.*

*Animi ge-  
nerosi in-  
doles.*

*Joanna-  
nicè obser-  
vat spon-  
sum suum  
& ab eo ob-  
& vivat.*

B. 3. Cœle-

Cœlestis item Sponsus, per Can-  
cellos (*Cant. 2. v. 9.*) omnia sponsæ  
sue vestigia observabat, prorsus  
quoque zelotypus, omnes ejus co-  
gitationes unice appetens, vetabat,  
ne quis ejus mentem amor alius  
quàm sui solius subiret, locumque  
in ea capesseret. Nunquam eam de-  
ferēbat; nocte diuque aderat, cum  
ea colloquens, eamque invisens,  
nunc quidem apertus reiectusque,  
nunc velatus & aliam formam in-  
dutus.

*Christus ab  
ea flores le-  
gentis flores  
petis,*

Hæc omnia sunt operationes  
amoris, nunquam otiosi, ut Lauren-  
tius Justinianus testatur. Duxerant  
eam quodam tempore secum pa-  
rentes ad hortum Licentiani cujus-  
piam & Medici Civitatis Burgensis  
Antonii de Aguilar nomine; dum  
illic nostra Joanna flores legit, subi-  
tò ac ex insperato, videt ponè ad la-  
tus suum suprâ modum speciosum  
puellum, qui ait ad eam: Parvula da  
mihi de floribus tuis. Illa respon-  
dit; Quos à me flores petis? Quid  
agis? Cur non ipse? Illos colli-  
gis? Ad hoc responsum vidit par-  
vulum subridentem, & reidentem  
ore iterum ab se flores petentem.  
Hoc in alloquio, id evenit ei, quod  
duobus discipulis cum Christo in  
Emans gradientibus, qui nesciēre  
quidem cum quo confabularentur,  
introrsus tamen sentiebant, quod  
interloquendum corda eorum igne  
Divini Amoris accensa essent: Ità  
nesciebat pariter parvula nostra  
Joanna cum quo colloqueretur,  
sentiebat tamen cor suum amore

istius parvuli collinescere; Ne ve-  
rò isti parvulo fortè adversaretur ait  
ei. O pulcher parvule, tunc flori-  
bus egeas? ego penitus exittimo  
te esse velut pulcherrimum florem  
campi (*Cant. 6. 2. v. 1.*) si tamen ni-  
hilominus de meis floribus ali-  
quid petis, en hos paucos quos  
habeo accipe; nec grave tibi sit  
modicum prætolari, ego ibo tibi  
captura plures. Ubi Christus eam  
latus expectasset, abiit illa, rediit-  
que solite, cum lectis iteratò flo-  
ribus, eosque in sinu parvuli repo-  
suit, atque orâ tunicellæ ejus conte-  
gens, dixit ei: Jam nemo scit te  
flores ferre, & ità nemo tibi ad-  
versabitur, si tamen quispiam no-  
taret flores te gestare, dic me tibi  
eos dedisse, sic nemo tibi, sed po-  
tius mihi molestiam faceffet.  
Hicce parvulus evanuit. Nostra au-  
tem parvula mysteriū istud id tem-  
poris non cognovit, sed longè post,  
acri ac rigidâ hyeme, ubi Christus  
ei apparuit, aliquot flores manu ge-  
stans in specie pusionis, qui in horto  
illi apparuerat ajens ad eam: No-  
stine me? Cui illa, videor mihi, re-  
sponderet, alias vidisse te. Novisti-  
ne hos flores? prosequitur pugio.  
At illa: Non est, inquit, nunc hu-  
jusmodi florum tempus, ve-  
rum dicis Sponsa mea (infert pu-  
gio) neque enim hoc eos lectos  
tempore mihi dedisti. Tunc re-  
cordata exclamabat? Eia Domi-  
ne mi! jam nunc in memoriam  
redeunt flores isti: Eo quantum-  
vis tempore, velut infans exhibi-

*Suavissi-  
mus par-  
vulorum  
lusus.*

ram mihi à tuâ majestate gratiam  
 benevolentiamque non agnove-  
 rim. Profecit intercâ ingratitudo  
 mea, dum aucta tui erga me amo-  
 ris argumenta. O sponse dulcissi-  
 me! quis sis, innotescit facile ex de-  
 sectibus gratiæ, quam ex solo infi-  
 nita bonitatis tuæ impulsu præro-  
 gas. Hæc illa ex agnitione tantas sibi  
 in tenellâ adhuc præstitas à Deo gra-  
 tias, effata est, quando eam carissi-  
 mam veluti sponsam in benedictio-  
 nibus dulcedinis suæ præveniens  
 tractavit. Divinus ipse sponsus, à  
 die desponsationis suæ cum Joan-  
 nâ, tanquam Magister instituendæ  
 ipsius curam in se recepit. Siquidem  
 (innuente D. Matre Theresia) per-  
 pauci inveniuntur sic amatis & visi-  
 tatis à Deo personis idonei modera-  
 tores. Quandoquidem Spiritus  
 Sancti loquela subtilis admodum &  
 delicata, captu penetraturoque per  
 quam difficilis est, ita ut ad securam  
 præfatarum personarû directione,  
 in Magistro plurima requirantur.  
 Quamobrem in instituenda Spon-  
 sâ suâ Sor. Joannâ nulli alteri Deus  
 Magister, tum concredidit, sed sibi  
 soli reservatum voluit; ut videlicet,  
 velut altera Mariâ, ad pedes JESU  
 doctrinam suam, ac divina eloquia  
 sedulo audire adimplereque factis  
 posset. Primò omnium eam in o-  
 randi studio instituit, præcepta re-  
 gularumque tam meditandi, tum con-  
 templandi tradidit, invisibili quoque  
 ealamò, cordi ejus, ceu tabulâ rase  
 nitidâque omnia & singula opera  
 vitæ, passionis, mortisque suæ in-

scripsit. Atque ut teneris ab un-  
 guiculis, ad sui imitationem pellice-  
 ret, ferè quot diebus ei specie pu-  
 sionis cruce humeros onusti appa-  
 rebat, suavissimæque vocis sono  
 eam compellabat dicens: Sponsa  
 mea, cne in hæc cruce portandâ me  
 juvare parata? Talibus verbis ac  
 specie sui ccelestis Sponsi exardescer-  
 bat cor ejus, celerique cursu con-  
 tendens ad Crucem, ab humeris sui  
 Salvatoris sublatam, suis imposuit.  
 Certâ quadam die iteum ei in eâ-  
 dem formâ apparuit, parvuli videli-  
 cet, crucem humeris bajulantis, sed  
 usque adeò pondere gravati, atque  
 defatigati, ut indicaturus videretur,  
 sese ulterius provehere non posse.  
 Magnam compassionem Sponsæ  
 ejus conscivit spectaculum istud,  
 corque ejus penitissimè convulne-  
 ravit. Rogabat igitur Dominum,  
 vellet ei (ut sepius fecerat) suam  
 Crucem dare. Quo sibi negato,  
 capit amarissimè flere; dumque itâ  
 fleret anxieturque, ait ille: Vis tu  
 Crucem hanc portare donec vivis?  
 Illa respondit etiam Domine. Do-  
 minus porrò ad eam ait. Ad rem  
 grandem te obrulisti. Sicque Cru-  
 cem ejus humeris imposuit. Vix  
 Cruce humeris exceptâ, dolore  
 simul repleta fuit; sentiebat etiam,  
 se tantò sub pondere, ne movere  
 quidem posse; ait igitur: Non pos-  
 sum cruce hæc onusta usquam,  
 progredi. Dominus respondit illi:  
 Cadendo resurgendo, exemplo,  
 meo, me sequi assequique opor-  
 tet. Quibus dictis Dominus eva-  
 nuit;

*Christus  
 ipse sit ejus  
 Magister.*

*Orandi  
 contem-  
 plandi mo-  
 dum eam  
 doce.*

*Blandè in-  
 vitat ad  
 Crucem  
 ferendam.*

*Apparet  
 illi Crucem  
 onustus.*

*Quærit an  
 se juvare  
 in ea feren-  
 da velit.*

RIII  
 36

*Qualiter  
ad Deum  
peruenien-  
dum.*

nuit, intravitque illic ancilla ad  
eam, que ex occulto, omnia illic  
gesta audierat ac viderat. Aitque  
illi: parvula quidnam agis? quò-  
cum sermonem miscuisti? Illa  
velut parvula candida simplicitate  
respondit, cum parvulo quodam  
pustone, miræ pulchritudinis & sua-  
vitatis, qui mihi dixit, quod me  
in regnum Patris sui velit intro-  
ducere; Et vis nē tu lubeas ac  
prompta (iterat ait ancilla) cum  
eo illuc ire? Etiam, reponit par-  
vula, quia multa bona loquitur mi-  
hi, ac me docet. Hæc illi sexenni  
evenere. Tam tempestivè erexit se  
ad ferendam Crucem, Sponsus-  
que suum amantissimum imitan-  
dum.

*Sexennis  
puellula jã  
Cruci fe-  
renda ap-  
tatur.*

Haud tamen solò bono isto  
Sponse suæ affectu ac promptitu-  
dine ferendæ crucis contentus erat  
Dominus; sed cordi ejus simul &  
semet infigere voluit: Itaque qua-  
dam dierum vidit complures ad se  
venientes Angelos, quorum unus  
mirè splendentem gestabat manu  
Crucem, ceteri induti erant præ-  
longis ac fluentibus togis, candore  
nivem vincuntibus, quamvis eo-  
rum desuper sacerdotali stolâ cru-  
cibus ex omni parte obsitã operie-  
batur; Igitur circumdantes eam  
Angeli, brachia arcè strinxere sto-  
lâ, porro gestabat crucem Ange-  
lus, eam humero illius imponens,  
aitque. Crucem hanc mittit tibi  
Sponsus tuus pro totâ vitâ tuâ,  
velut pretiosum suum monile.  
Hæc est clavis cordis illius, quod  
Gazophylacium est omnium the-

*Christus  
per Ange-  
los crucem  
mittit Jo-  
anna.*

sauroŕi Patris ejus: Hæc est scala,  
& vitæ Dux ad superna, suiq; æter-  
nam fructuŕem. Suscepit Crucem  
hanc Sor. Joanna, profundissimâ  
demissione ac reverentiâ, brachiis-  
que eam complexa, firmissimò sta-  
tuit, totò vitæ suæ decursu, nun-  
quam eam deponere. Super illud  
divinæ Sponse effatum in Canti-  
co Canticorum. Trahe me post te,  
& curtemus in odorem unguen-  
torum tuorum. (Cantic. 1. v. 3.)  
Mellifluus Doctor Bernardus sin-  
gulari affectu, verborumque suavi-  
tate Christum Salvatorem nostrum  
alloquitur: quæ proposito nostro  
non inconcinne quadrat. O Do-  
mine, inquit ille: quàm pauci sunt,  
qui ista dicunt; & pauciores qui  
faciunt! (Bern. in Cantic. serm. 2.)  
Volumus quidem omnes regnare  
tecum, sed non omnes volumus pati  
tecum; volumus quidem tua di-  
vinitate frui, sed per angustam cru-  
cis viam te sequi recusamus: parvu-  
la nostra Joannam non sic egit: sed  
sua in tenellâ ætate crucem Domini  
summò amore compl. xi est; ne-  
que eam unquam deserere voluit.

*Eam avidè  
excipit.*

*Neque un-  
quam de-  
seruit.*

CAPIT V.

*De virtutibus, quas Deus Sponsam  
suam in pueritiã docuit: deque  
zelò, quò easdem illa ex-  
ercuit.*

EXORTA cum ineunte ætate virtu-  
tes ceteras omnes longò post se  
intervallò relinquunt. Quod cur-  
rus ille Cherubicus apud Ezechie-  
lem (Ezech. c. 1. v. 10.) cetera inter  
myl-